

鎮海范柳堂先生著

浙東山水經行記

鄞縣高振霄署



天台山行記自序

大凡游而不記猶之不游也故游者必記然游者明白於地難明白於文字則更難往往了然於胸中而詰屈於筆下故游者多而記者少記者多而記之明白者少夫記而不明白猶之不記即猶之不游也故若徐霞客之善游亦其文字之善於明白者歟余寡人子體素多病今年六十腳力更弱然濟勝雖無具而饒有勝情故喜讀游記尤喜讀霞客之游記然霞客兩腳行萬里平生所歷名山水無慮數十百計余何敢望其萬一顧自念一生一事無成今老矣性所好者惟名山水遠者無論若并近地之名勝而不克一游則暮景如駛急不能

天台山行記序

待非特無以自娛竊恐屬纊時目不瞑矣乃決計游山決計游天台之山溯剡溪而上抵寒巖而返往還一千里費白日四十白金亦四十聊以壽我之六十此行也惟瓊臺桃源螺溪石筍三勝為暑雨疾病所阻餘凡峯之名者若華頂天柱巖之名者若赤城泗州嶺之名者若高寮羅漢金銀地寺之名者若國清善興天封萬年又若斷橋石梁之飛瀑若潛真棲真之大洞以及廣原如桐柏畏途如分水嶺一切可驚可喜者莫不印於目而證於心以此為了平生之願而即以庶幾霞客之萬一云爾若文字則早知其難而不免猶有此記者非敢自以為明白蓋游而不記猶之不游此意也余既已言

之矣乙卯七月七日野謚父自引

天台山行記序

天台山行記卷第

浙東山水經行記之

鎮海范鑄壽金甫撰

乙卯五月廿八日晴西南風極大早起束裝為天台之

游由平王廟東登舟

屬餘姚

四十里長堤

屬上虞

時霖雨之

後水從堤上流二十里小越小越西有小湖青山四圍

中有野屋夕陽在嶺清風徐來風景頗清幽又二十里

至百官昏黑久矣是日風水俱逆又為捐卡留難致行

舟到遲登岸飯於谷家過塘行畢搬行李登江船解纜

行里許泊龍山頭推蓬露坐江風送涼四鼓舟復解纜

行

廿九日晴曉睡正酣驚聞舟行已四十餘里亟推蓬起

天台山行記

看則兩岸送青一江流碧昔讀崔灝刺行詩有青山行

不盡綠水去何長地氣秋猶溼江風晚稍涼云云今身

到乃知崔詩之工地名霸王山

山在江右岸

已過湯浦口五

里矣又五里為王家匯

在江左岸

石壁插水底灌木翁之中

露小樓亦江濱佳處也又三十里章家埠為上虞屬之

大鎮舟人泊舟午炊飯畢復行七里石山廟八里三界

為上虞山陰嵎之交界亦濱江繁鎮也五里釣魚臺為

謝客遺蹟山右麓有小溪入江溪口有小橋仿佛雙流

會江桐梓南樓之勝槩自釣魚臺而上三石頭而下江

山蟠曲奧衍靈秀瓌奇甲天下三里上下馬嶽雪湍截

巖煙邨夾水又里許許巖石山顛有鼉鼉將軍廟紅牆

天台山行記卷第

浙東山水經行記之

鎮海范鑄壽金甫撰

乙卯五月廿八日晴西南風極大早起束裝為天台之

游由平王廟東登舟

屬餘姚

四十里長堤

屬上虞

時霖雨之

後水從堤上流二十里小越小越西有小湖青山四圍

中有野屋夕陽在嶺清風徐來風景頗清幽又二十里

至百官昏黑久矣是日風水俱逆又為捐卡留難致行

舟到遲登岸飯於谷家過塘行畢搬行李登江船解纜

行里許泊龍山頭推蓬露坐江風送涼四鼓舟復解纜

行

廿九日晴曉睡正酣驚聞舟行已四十餘里亟推蓬起

天台山行記

看則兩岸送青一江流碧昔讀崔灝刺行詩有青山行

不盡綠水去何長地氣秋猶溼江風晚稍涼云云今身

到乃知崔詩之工地名霸王山

山在江右岸

已過湯浦口五

里矣又五里為王家匯

在江左岸

石壁插水底灌木翁之中

露小樓亦江濱佳處也又三十里章家埠為上虞屬之

大鎮舟人泊舟午炊飯畢復行七里石山廟八里三界

為上虞山陰嵎之交界亦濱江繁鎮也五里釣魚臺為

謝客遺蹟山右麓有小溪入江溪口有小橋仿佛雙流

會江桐梓南樓之勝槩自釣魚臺而上三石頭而下江

山蟠曲奧衍靈秀瓌奇甲天下三里上下馬輿雪湍截

巖煙邨夾水又里許許巖石山顛有鼉鼉將軍廟紅牆

朱扉倒映江水里許棗樹灣平林帶江小樓倚山皆江左岸
里許江右眠蠶山石骨楞楞聳翠里許江左清風嶺為
主烈婦沈江之所山半有亭山麓有廟皆名清風山水
稱其人已又里許下洋埠泊舟四山落日紫翠滿目枕
樓徙倚朗詠呂衡州舟移鏡裡路入畫中之句信乎山
水有靈當驚知己時沿江多盜中夜見山徑火光閃爍
人聲隱隱同舟俱起共有戒心

六月初一日晴舟拂曉行西南風緊涼甚五里江右畫
圖山石骨為叢木蔽虧未見青蒼惟尖峯獨秀耳三里
仙巖又五里三石頭皆江左三石頭為酈道元所記者今
水石依然而朱碧無存矣沿江一綫即甯紹台溫處五

天台山行記

二

屬之大道也百官舟至此止行李換竹簾上嵒余同姊
夫葉鶴亭雇高轎陸行二十五里午至嵒城東門外之
杜家過塘行飯午後暑甚遲至日斜入東門北行登山
觀城隍廟廟壯麗左為縣署右為新闢公園憑高眺遠
城內外一覽而盡歸寓已曛汗夾背矣飯畢坐江濱納
涼遙望東南三峯高尖主人云四明山也三更行李簾
到檢點畢始就寢

初二日晴黎明起粥罷仍乘高轎而行過南門橋石為
之橋下水自西南來者兩頭門港即西谿也過橋東折
北至東門橋南而新昌港合澄潭港來會之過橋而
北稍折而東又過水橋而南行此橋下水即新昌港共二十里至
黃泥橋是為新嵒分界處又五里過一山嘴路左巖裂

一罅寒泉涓涓從中出上有塔是名塔山又五里過長板橋仍南行有邨是名山溪又十里過大佛寺頭門大溪至此曲而東路亦東折而入新昌城之西門里許卸擔於五昌錢鋪日尚未中飯後移寓吳興公所晚陳君蕙堂來飯而去夜中熱甚露坐達旦始眠

初三日晴早起周君生義及俞某來午飯而去俞生松銓來晡時聞雷有風無雨然天氣稍涼晚飯畢即眠

初四日晴早起出東門沿城北行折而西過北門再折而南過西門初出東門時見大溪自南來北流折而西至城西北隅又折而北去途中左並城右循溪桑園竹逕涼綠陰沈既過西門折而西南至地藏殿東嶽廟少

天台山行記

三

憩仍由西門返寓昨以客中無書向俞某借公羊小戴抵寓而俞氏已遣人送書來又荷周君贈白雞一隻夜聽茶客潘芝田儒舉譚穿巖十九峯之勝為神往者久之是日得張君讓三及濬兒信

初五日晴午後館人呂某以新邑先進俞秋農先生宦

游圖見示計八幅

其目為窮巷書聲水簾觀瀑第東山游展招寶觀海清浪停橈第蘭谿花板勝閣臨江湘江夜泊第飛雲古洞第蘭泥下御山聳翠嶺無溪登岸桃源仙蹟洞庭秋泛第天姥歸雲台山積雪沃洲垂釣第楊江晨渡文德探奇七里魚龍洞雲深第首尾有山陰王兼遺義鄭珍題跋書畫俱可觀

初六日晴趁早涼訪陳君蕙堂回途過煙業公所訪周君生義坐譚少時周君贈石二一佳遂捧石回寓

初七日晴萬年寺方丈妙瑞上人來期以十三日入山
初八日晴早起出南門西行折而南過大佛寺橋登小
嶺嶺上有亭近為龍尾掀去瓦石掃地無存過嶺南下
磴道陡甚游千佛寺即千佛巖也又折而東里許游南
明山寶相寺即大佛寺也二寺皆嵌巖為殿琢石為佛
而寶相尤壯偉金身高六七丈門前二沼一大如小湖
少陵云殿腳插入赤沙湖於此仿佛見之米元章書南
明山三大字石刻在寺門左其南字係後人補者日漸
高乃返寓

初九日晴

初十日午後有小雨得濬兒信

天台山行記

四

十一日晚飯後大雨旋霽是日發家書

十二日晚又大雷雨萬年寺轎夫來乃治裝為明晨入
山計

十三日晴早起粥畢乘高轎出舊東門東南行沿路水
石並佳左溪右巖竹樹陰中一徑逶迤即走班竹之官
道也五里至平川橋轎夫忽病霍亂轉筋勢危甚乃歇
轎於涼亭遣擔行李者入城再雇轎夫遲至日午始到
因留前轎夫之無病者調護病夫於亭中給以宿飯貲
而後始得乘轎前進又十里黃婆亭大邨也過黃婆亭
三四里許路入夾山中旋過兩小嶺自嵎縣釣魚臺以
上兩山如衙至三石頭而山始開洋至此而路旁兩山

六逼雖同為峽中之水特彼為江而此則溝耳又六七
里許攢峯刺天上下蒼蒼漸入佳境矣又三四里許過
大石橋橋之東一峯卓筆橋之西山坳有屋竹樹蓊然
是為上下赤土邨邨盡而至燕窠邨水蟠山璫真燕窠
也是處亦有大石橋又三四里許過衆福廟廟前諸峯
列笏如朝佛遙望東南一纖峯亭亭天際問知其下即
班竹又五里而後至地勢雄壯左右高山如牆前有會
墅嶺通台州大道後有小山口地名橋頭寔為天台山
北門之璫鑰又五里而至會墅嶺脚又五里登嶺頭即
為街口當在會墅嶺北時東望芭蕉山一帶峯巒皆棱
棱直上競秀爭雄從街口南行有歧路歧而西南者五
里而至儒壘余從東南歧里餘而至太平菴一名紫竹菴止
宿日尚高菴頗宏敞修整脩竹滿山坐既定而雷雨大
作一時許而霽主僧靈透出而接譚遂同晚飯飯後又
少坐而就寢

天台山行記

五

十四日早起食蕨粉畢靈師贈壽星杖遂揖別上轎東
南行三里橫板橋小市耳橋乃石想古以木為之臨橋
路歧歧而西南過橋者關嶺道也余往萬年寺則由東
南歧二三里許灌園廟五六里許滕公山邨又里餘而
入清涼寺飲茶少憩隨喜寺中瞻眺五百羅漢堂而出
出寺門即上牛牯嶺一名滕公嶺蓋此山名滕公山徐霞客游記作騰空山而牛牯嶺作牯牛嶺嶺高且長曲折十數嶺半一支岡東出中有小坪

如掌碧草如茵時涼飈驟至熱意全消乃藉草而憩坐對壑南諸峯如展開五老峯橫幅回首北眺則會暨嶺來路諸山如案上餽釘羅列滿前及登岡西望而關嶺燕山儒輿一帶又煙雲在眼可謂勝觀矣路旁多尤田岡行十里許而入地藏寺飯焉寺基高爽大殿亦壯偉惜寺古年深梁棟已朽蝨支以白木岌岌可危語云大厦將傾非一木可支者此之謂矣臨飯頃而萬年轎夫來蓋病者已愈乃回城夫而以原夫行八九里許至大風川有涼亭少坐望前山雲似墨知復有雨亟過川下一嶺陡甚且長五六里而後及平地未及平地而雨至既及平地而寺至既入寺而雨止蓋萬年寺在四山之

天台山行記

六

谷底蘇詩所云寺藏巖底千萬仞路轉山腰三百曲者儼為萬年寺寫照寺宇內外闊大雄壯八峯環拱中外志云八峯山中有萬年寺八峯者所謂明月古杉參天娑羅香爐大舍銅魚藏象煙霞應澤是也水田彌望信為東南千古名藍惜自天王大雄二殿親到羅漢二堂外殿堂樓閣大半傾圯主僧妙公方謀興葺之余既卸擔有明持上人者華頂寶蓮菴常住與邀至親到堂啜茗親到者宋仁宗賜萬年寺珍物有如朕親到之語遂下榻於堂中日色尚早因徧觀寺中天王殿門萬年寺三大字彌勒龕前聖言飛玉相帝語重金輪十字俱無名字而書法團結疎散各臻工妙法堂有王文治書令法久住親到堂有王棧書真印獨持扁榜亦佳按扁聯書法之工之多天台山中當

以桐柏官為最又客座有講華寫贈梅巖和尚墨竹一幀題云王者有至德甘露降則竹葦受之居然書畫詞三絕晚寺僧具清品供饌

十五日早起禮佛畢食蕨粉較勝太平菴出寺東行數里下道人嶺音土又數里逾關洋嶺音土嶺西有溪橋東有涼亭又數里逾水壺嶺較高前二嶺自萬年來途徑蟠屈忽東北忽東南總之不離東北向忽升高忽墜淵總之不離山縫中至此而山稍開復東北行過石橋南仍東北經臻福菴共三里許而上短棒嶺逾嶺東南下忽聞水聲潺潺曇花亭見眼前亭遭火重建則已至中方廣寺矣即古石橋寺亟下下方廣寺即古石橋菴卸擔不茶不沐而復

天台山行記

七

上中方廣審視瀑之來處蓋石梁之上有兩瀑焉東南隅之瀑由上方廣寺前下墜而出曇花橋西南隅之瀑由短棒嶺下出奇觀橋而下墜二瀑合而東北流其形如丁字乃復墜石梁下而去余過奇觀曇花二橋從曇花亭前之右折東下石磴數十級至梁南端有石柱乃倚柱而坐觀北端盡處有巨石阻道石上置五百羅漢銅殿殿乃一小龕聞其中羅漢大才如指耳時水小瀑流不壯且草樹蒙籠梁下亦未能一覽了然為悵復沿溪東行觀蓋竹洞返仍過曇花亭由東南隅盤至西南隅而西南瀑旁石壁有第一奇觀四大字遁古絕倫當為山中磨崖之第一草草游覽畢返下方廣飯飯後登

寺後上方平眺一峯如卓纛當前斜瞻曇花亭已在高處石橋寺後巖石玲瓏葱蒨鬱鬱然下樓復前行仍過奇觀橋自此東南行入上方廣寺茗憩門前水石更幽奇又東南五里仰天湖路右俯視絕壑萬尋四山團裹杳冥深沈仰天湖所由名歟又五里挈桶檔兩山壁削一岡中接地不丈闊左右顧目眩心慄脚掉不能立故名又聞此地有大風雨雪不能行人云過檔有亭少憩又四五里許由小徑左入寶蓮菴是日明持上人同來故迂此茗叙臨行明師贈野朮一枚野鴨形異物也珍謝而別半里出大路又東半里至善興寺寺燬後重建頗壯麗然氣象不若萬年多矣由寺東側東北下曲折

天台山行記

八

二里而至天興菴卸裝妙公之靜廬也寓余於北樓牕外竹蔭綠沈蟬聲嘒嘒旅懷為之洒然是日止行三十里故到天興不過未刻耳因周觀內外菴處善興之東偏佛堂東向余寓樓西南望天柱峯咫尺耳疑即俗所稱鉢盂峯菴雖小而清華土本丹堊無一不工綴即下至庖園亦非草草為之者

十六日早起禮佛雨時作時止午後開霽乃襍被上頂行近善興寺而大雨至亟避於山門久之霽向寺前觀萬工右軍二池伏虎亭在池東方新建未落戈既而由善興西北過寶蓮菴而向清隱菴雨又至亟入門履襪濡矣至夜風雨更甚遂宿焉菴枯寂陰森令人悽然不

樂中夜聞大風雨聲旅枕展轉不成寐是夜東南沿海
命財產傷損不可數計而余在華頂竟不知也詠白傳
當君白首同歸日是我青山獨往時之句不勝太息
十七日早起風雨晦冥萬山混茫一物不見一步不行
連日雨坐窮菴景况淒清宛如霞客之在翠峯也晚晴
散步至寶蓮菴路口而回回至清隱菴路口不入又北
行數十步得茆菴二極小戶俱鍵四顧闕無人方塘中
菱花搖風偏反若有情乃返昨冒寒雨夜遂發熱今日
食粥而已夜牕復無月

十八日晨又雨晦不能上頂悵然者久之按天台一山
中市場耳故嶺有金銀地之號土產山螞蝗啗人血猝
不能脫可畏也又有蜂蟻形如蜂多如蟻即山螞蝗亦

天台山行記

九

畏之矣午霽見日乃令平頭肩杖挑黃縣襖子離菴至
善興東側路歧處一東北下天興菴道一東北上拜經
臺道也時雲日開閉倏忽陰晴不定躊躇久之乃決計
向上拚雨宿絕頂亦勝連夕枯坐寒茆也始東北繼西
北過善興寺後山來龍處乃正北上至太白堂蓋三里
云過黃經洞路口不入又北上里餘始登頂頂乃一東
西行橫岡闊才十餘丈稍折西而南入小石堡北門是
為拜經臺臺北向門有隋智者大師拜經臺八字碑卸
包函出堡環觀惜乎雲日閃鑠衆山隱見迷離而眼前
數尺外雲陣紛馳而過蒼黃白黑有如車騎隊伍旌旂
幢蓋之形者真瑰觀也欲尋降魔塔無覓處東行岡頭

欲登望海尖荒草茫茫無徑而返入堡茶坐欲宿此觀海日僧下逐客之令乃背包出堡擬下山則雲日頓開碧天如洗八面萬山簇簇如筍洵洵如波濤信所謂千巖萬壑應接不暇而斷非筆舌所能擬議形容者吁真大觀也余環堡周行見環頂皆高山無一罅何處見海然則拜經臺觀日出亦未必佳勝而余之所得者已多矣遂暢然意滿拄杖而下兩腳頓輕到天興不過申刻耳

十九日晴午飯畢為天封之游拄杖由菴前小路東南下下陡級里餘而會善興來之大道自此東南向兩山如巷挾溪中流由巷中曲折行三四里許乃出過石橋

天台山行記

十

又東南里許而至天封寺寺前伫眺四山如城形同萬年霞客所謂台山幽絕處者入其寺則敗矣壞矣靡孑遺矣惟餘大殿支以衆木尚未倒然亦旦暮間事耳為之悽然而返循故道過天興菴前小路口不入走大道西北上天柱嶺嶺半有瀑亞石梁山徑斗絕處有警者拄杖下乃知瞻馬深池未是險語將近嶺顛有小橋是為善興前之第二池善興道不過橋余瞻眺橋上見天柱峯從人面起乃迂道過橋東南行又折而西南蟠峯腰三曲由天柱背達其面而至永慶寺渴甚少憩飲涼茶數甌適太平菴僧靈透亦在此遂相與坐談既而興辭出過第二池之橋登嶺頂是為善興前之第一池亦

有橋焉自天興路口至此約二里許又折東北數十步即善興寺門矣復息腳力乃歸天興余前日由善興下天興曲折數里以為墜谷底數百丈矣今由天封回途繞道天柱峯腰隔壑望天興諸菴迴出高山上若由天封視之當更不知若何巍巍而山外平地無論已

二十日晴早粥畢乘轎過善興寺前西南至挈桶檔有歧路西北向方廣道即余前日所來者今向西南行里餘路左得古華嚴寺廢址望隔山竹樹云是雙溪邨裡舉檔東涼亭前則正對其外巖又西南八九里而登察嶺頭又西南五里下嶺腳而至龍王堂有邨店八九家乃歇轎向許姓酒家沽飲承許君導觀邨外見四面山

天台山行記

十一

坪大開水田漠漠宛如郊野光景幾忘其在萬山頂上也忽聞書聲琅琅疑為高察書堂詢之乃知又有小學堂入而觀之晤校長陳君子安暨教習某君禮貌俱殷勤詢陳君知校名習雲云此地有習雲洞學額四十皆近山邨童時教習方對諸生說唐太宗皇帝故事二者皆為深山中異事又承陳許兩君口講指畫乃知龍王堂為山中總匯綰轂之區邨當三岔路口南向者國清寺道也北向者亦有歧路方廣及羅漢嶺道踰嶺即向萬年寺東向者華頂道即余今日所來者東北至善興十五里正北方廣西北萬年如之而善興至方廣方廣至萬年亦俱十五里云蓋此地形如北向而展摺扇龍王堂為扇根善興方

廣萬年乃扇之面也而國清道則又如摺扇之施柄耳
諦審既畢乃南行歷大寒風陳田洋冷水坑小寒風水
磨坑共十里而至真覺寺是為銀地嶺於是歇而謀午
飯高明寺通霖上人者適在此具袈裟相迎入方丈茗
叙復導觀寺宇智者大師真身塔即在大殿中故俗又
稱塔頭寺禮佛而飯飯畢而出寺東行過大慈寺門前
寺已廢不入又東觀大字巖兩座佛隴兩字高妙惜半
已模糊天台山三字能品而已再東觀智者說法臺乃
山頂一石砥平方數畝旁有巨石圓如卵號為飛來亦
可異云還寺復出寺南半里至路歧南向者國清道也
余則東南下高明寺五里而至開麓為廣場冠巖為重

天台山行記

十三

樓處處高明寺名洵不忝矣向香積廚後東北行里許
游圓通洞洞北向三石磊成石縫尺闊為之門洞前層
巖疊嶂矗翠橫青恐海岳研山無以過之日已西亟循
故道還至金地嶺顛會國清大路嶺上伫眺見山外黃
白一綫云是大溪過府城出海門者下嶺有新舊二道
余從舊道南下五里至嶺腳有亭少憩復屈曲東南行
約五里許漸覺水石竹樹幽秀異常過小石橋又南行
折西而北則已至豐干橋而為國清寺門矣入門寺僧
達智引至方丈後而下榻焉晚飯畢亟過寺前橋審視
寺東側來時路恐山門閉山中人開復忽忽入寺周覽
四天王兩花大雄三殿及兩廊諸處壯麗為一山之冠

既又西至三聖殿觀右軍驚字碑係天台關古堂壽人氏重撫上石者觀未畢寺僧本揚邀登樓坐譚坐未定報方丈顯勤法師在寓房坐候因回叙譚良久而罷乃整裝為明晨入寒明兩巖計

二十一日晴早起禮佛飯畢乘轎出國清西行日卓午

計五十里而至坪頭潭市中買米向旅店打火未到坪

頭六七里許十字路口

東西者國清向坪頭南北者關嶺向台府之道也

有亭

亭南岡上有無雙巖突兀異甚若巨靈高掌捧一桃置

案上然坪頭潭市街甚長飯畢復西南行十餘里至茅

洋有峯三角形在其南北望一峯卓如塔獨出衆山上

並不知何名也

如塔者疑即青山嶺

既而至邨西茶亭少坐念轎

天台山行記

十三

夫於兩巖之路未熟終恐誤事乃於邨中覓一齊姓老者為導按茅洋之西有大溪自西南來由東北向折而東南去而上流復有方莊溪自西來會之余隨導者初過方莊溪之石橋繼步涸灘溯大溪而西南行四五里許又有西來大溪會之

按此溪疑即霞客所謂有大溪西自東陽來大若曹娥者蓋

西溪南岸嵌巖置屋者是曰山頭下而南溪西岸广厂

穹窿如飛檐反宇前復有一圓石屹立溪中石脈一縷

綴著岸若以絲組繫玉墜又如驪龍領下珠然蓋巖石

嵒訝如龍張口也是曰泗州巖其間水石奇麗光景靈

異迥非人世當余初至雙溪口時西溪中涸成洲惟兩

旁各餘一溝乃再度板橋而過之緣西溪南岸東行復

折而南行緣南溪西岸至泗州巖下徘徊眺賞總之張目縮舌無可置喙處惟有贊之無從愛而不捨八字而已

導者以日暮促行乃忍心捨之去復屈曲南行與南溪遇板橋甚長

按南溪西自寒巖來過溪南有邨曰嶺跟南上孟湖嶺逾嶺南下復有邨曰嶺脚當在嶺頭時見迎面三

巖如三座玉城飛來天外既自嶺脚邨南出復得大溪

此即明巖之溪淺甚點石而過乃沿三玉城之麓東行

東城側看咸雙峯尤纖幻上有小樹恍疑美人之以碧玉簪簪花者折而南於是左漾澄溪右聳

翠壁景狀萬千心驚異境而八寸關到矣是為明巖寺已壞當年房舍十存其一祇一老病僧居之以無米苦

拒客強而後可日已暮急於鈔游記遂不及游覽草草

飯而寢

按自國清西南行五十里坪頭潭十里江司又五里茅洋五里步頭步頭南過孟湖嶺即寒明兩巖此為霞客游兩巖之道

二十二日晴晨起亟觀後洞及石筍小洞諸勝大畧如

前賢所稱蓋寺宇有興廢而巖洞終古不變也佛殿之

十八羅漢塑像尤工妙如生後洞在佛殿之後正東向

石筍峯在洞外緊倚右壁而左壁上二洞一高者佳如

天生成一間佛屋至八寸關外左壁上之洞尤闊深儼

然一座大佛殿矣左右兩壁厥名獅象峯右峯麓象鼻

之形宛然而獅口即為左洞之如佛殿者洞之前右偏

有兩石僧指為寒山拾得余視之不類八寸關者暗巖

所由得名

暗巖宋以後改名明巖乃僧嫌其狹填石高而闊之又

天台山行記

稱齊大人

次風侍郎曾讀書於此

有石怪巖明四大字磨崖余就

視之乃明巖怪石四字耳類皆可笑者也亟出八寸闕

北行折而西仍沿三玉城之麓

按方外志云由明巖寺北向捫蘿而下至重巖

寒山子有重巖我卜居鳥道絕人跡之句其間磐石品列即三隱肅詠之地常有光如月號石月寺東有響巖

擊之鏗然云云此即余所謂三座玉城者又復折而南按東城側看成雙峯故寒山詩謂之重巖也

則削崖矗天不見日景下臨深溪乃又為金城湯池而

非復向者之觀矣沿途左山右溪凡繞山三面鏟青削

紫如開三十六扇畫屏風令人處處佳腳共八九里而

至寒巖未至一二里許路右見靈芝石茁於溪中及路

左龍鬚洞前蹲兔石等亦畧如霞客所記者既至寒巖

見寺已廢乃亟躋其後洞偉哉儼如驟入未央建章廣

天台山行記

五

宮大殿而不禁歎為瓊瑰壯觀也右偏畧高亦如宮殿

之有廂序前復有平臺可以眺遠觀止矣遂下山循故

道還復尋雙溪合流處而觀之蓋寒巖溪自南北流明

巖溪亦自南北流折而西至三玉城之西北隅

邨名張家衛

而與寒巖溪會復西北又東北屈而盤嶺跟邨之前又

東北下泗州巖前去是即茅洋南溪之上流也從溪口

復前行過孟湖嶺至泗州巖下徙倚片刻許乃別之再

至西來溪與南來溪合流處兩度板橋而至西來溪之

北岸復沿南來溪之西岸而東北行再過方莊溪之石

橋而至茅洋於導者家中午飯

導者名昌壽老矣尚有父甚壯飯畢畧

甚少留而入室相訪者踵相接環窺於戶外者男女老

幼更不下數十人肩磨趾錯雨汗薰蒸皆視余若異人然中有姚姓者與余譚最久蓋業醫而設藥肆市中純然善人也既而犒導者一金別而行十五里而至坪頭潭投陸家原店宿焉夜熱甚露坐達旦

二十三日遲明飯擬繞道天台縣城而回國清計定乃行路經清溪鎮有石橋甚長計三十四洞又三四里許入城西門於縣前街少憩周觀縣廨而出小北門三里而至鑿字巖萬松徑三字

與大慈寺前天台山三字尚在大字俱為僧指堂書

而松無一存矣又里許新路亭北望兩山闕處後山峩峩高擁其闕處即金地嶺而峩峩者即銀地嶺以上諸山也此闕實為台山之南門而即國清之北門矣又里

天台山行記

十六

許見路左小山顛石城周遭問土人以何處曰赤城山也又二里餘見窄堵高尖則報恩塔至矣隋煬帝建此塔與赤城東西遙對實為國清寺前之旗鼓旋至七佛塔下右折而北入寺午飯焉夜臨睡顯公來畧譚山水而去二十四日晴早飯畢出國清寺向西轎行五里至赤城山麓拄杖升由下巖而中巖而上巖而頂巖頂巖在上巖寺之上數十步絕頂之塔又在其上二三十步仰見之有天台貴家婦在此構廬隻身焚修云降而上巖寺是為玉京洞降而中巖是為飛霞洞小而幽惜無人居之又降而下巖是為紫雲洞碩大宏深且有樓閣有陳君深山者名聲端年七十矣蓄髮遁世而為此山主殷

勤款留大有淮南小山之意久之乃別復相送一里外
且慮余桐柏之游人地生疎更回洞往返為修束介紹
於鳴鶴觀主時赤日如火片刻中奔馳數里而不以為
煩噫斯游也而有斯人也亦絕無而僅見者昨在鑿字
巖西望赤城小山耳今由麓仰升陡甚且盤曲數十而
後及頂腳力為之盡四顧曠然東望報恩塔蓋俯視之
矣又五里落馬橋過坎頂共十里許至瀑布山麓台山
布以此處為最大且長北上二里有石坊曰桐柏天宮
由官道東西行則見之又北上折而西南上二里餘而至鳴鶴觀歇焉是日暑
甚待日西乃直登瀑布山頭左折而曲曲西北行盤出
山縫中有石坳焉如門入門北向則豁然山開大洋良

天台山行記

十七

田千百頃桑麻竹樹邨居厯落煙火相望雞犬相聞宛
然一小縣治是何地蓋即桐柏宮之區域也決決乎大
觀也哉龍王堂不足言矣按天台高山頂上多宮正當
平原當以此為第一區域之中央入宮茶憩復向右偏祠中拜伯夷叔齊二
石像傳為唐製云桐柏雖殿宇兵火十毀其九而所遺
扁聯畫壁等題字俱高妙正不獨唐像之可寶耳穹碑
林立想亦初唐物而於今可寶者惜乎荆棘叢叢暑氣
又酷日暮力盡不及一梯覽之耳出宮觀印山山瀕女
梭溪北岸直宮之西南余登頂俯視宛如身立古銅印
鈕上然不覺失笑蓋山皆黑石也由故道回鳴鶴觀夕
陽在嶺周覽觀之前後乃知此觀當瀑布山頭之西南

桐柏宮之正南西北即印山而瀑布坳則在其正西疑即古之福聖觀而或為瀑布寺歟夜熱甚露坐觀前松下久之而後寢

二十五日晴昨雇導者擬今晨游瓊臺而夜來體中不適兼以天暑路又險因念知止之戒遂決然割愛而返天興焉鳴鶴觀主洪時練母子者善良人也余到觀備承禮貌供給事事愜心格外行偏山中未有情文交至相待如此者余感激異常惜乎旅囊有限未能酬之厚抱歉亦異常云臨行時有同姓名守申者亦相送依依訂後會之期而余未能答也自鳴鶴觀東北行由桐柏麓裡畧共八里而至過街嶺頭方上嶺半時路右見招

天台山行記

六

手巖黑質而白章逼肖

仰天湖亦有招手巖

由嶺頭二里至陳田

洋與國清大路會又前行至龍王堂歇而復行自龍王

堂過挈桶檔共十五里至善興寺

按自善興西行三四里許將近挈桶檔有

亭焉過嶺西北則方廣路其向西南行高岡十里有兩亭焉過亭再五里西下岡為龍王堂疑此一帶高岡即霞客所謂察嶺而云察嶺之高與華頂為南北兩界者而挈桶檔一帶即所謂分水嶺而云分水嶺不甚高者

又二里而抵天興菴日過中矣

二十六日天興菴養腳力

二十七日晴早起芒屨藤杖為斷橋觀瀑之游過挈桶檔西北向經仰天湖而至上方廣未至一二里許幽徑縈紆寒溪潺潺脩然有出塵想霞客所謂木石森麗一轉一勝而余前日所云水石幽奇較新昌城東更勝者

也旋至曇花亭之隔溪棲真金界磨崖下倚而觀瀑昨夜大雷雨所謂山中一夜雨樹杪百重泉故今日瀑殊壯但曇花奇觀二橋下之瀑滾雪飛銀豪無障礙誠恣我飽觀而石梁下之大瀑終於草樹蔽虧未能一覽了然既而至下方廣寺前之橋上西南望則一落千丈始全見石梁瀑布真面目劈開青玉飛出白龍瀑布奇觀誠為第一再來之興良不孤矣復過橋東北行逾一嶺折而西北共八九里許而至斷橋厯觀三瀑至於珠簾水有石槽滑如脂傳為龍所游者故珠簾水俗名龍游澗即方外志之龍拖石而所謂銅壺注者即斷橋也惜乎草樹蒙龍所見者十才二三而已然陶公不云乎慰情良勝無

天台山行記

九

返至下方廣仙筏橋上再觀石梁瀑少時而後行過奇觀橋乃東南行而返天興焉入菴坐未定而轟雷掣電大雨如瀑流奔注幸未途中霑濡亦客中之可喜者二十八日大風雨終夜不休

二十九日立秋晴早離天興菴向寶蓮清隱二菴別僧明持本戒本戒不在乃行過挈桶檔涼亭西南再過一亭右折西行過粉碓嶺大興坑共數里而橫貫龍王堂方廣之大路又數里而會龍王堂萬年之大路余前論龍王堂之地形東北往華頂正北方廣西北萬年謂如展摺扇然龍王堂為扇根而三處為扇面今來之路則又腰截扇面而行者既會大路乃循之西北行過錢船

湖逾羅漢嶺共十里許而至萬年寺妙公往上海尚未
歸日色尚早出游山前名邨向王姓家坐譚而回乃知萬
年寺前東北方廣道而東南羅漢嶺正南白猴殿西北
地藏寺道也

三十日早離萬年寺萬年寺四面皆山南稍低有闕處
而東西北皆高山如牆今登西北隅之牆頭而下牆外
至一大坪即為大風川過來時所憩之亭再憩而行十
里過地藏寺升岡頭西望豁然此為天台山之西孺自
此下牛牯嶺始出天台山矣其西北特起者為天姥山
於是由滕公山高岡上行再過來時小坪如展橫幅處
再憩而後下牛牯嶺斗下千餘級而及清涼寺由地藏

天台山行記

三

寺至此十里耳土人云十五里又歷滕公山灌園廟橫板橋而
至太平菴歇焉尚未午炊自灌園廟橫板橋之西南一
帶高山橫板橋人云即天姥也而余先在灌園廟問邨
姥則云此地並無天姥之山名曰處其中而不知天下
事大抵如此姥矣午飯畢又十里而至會墅嶺頭北行
者祇有下嶺南行者祇有上嶺乃知會墅嶺頭是一平
頂山也自此南至關嶺有升無降北至新昌亦有降無
升矣又四十里而入新昌城之東門大雨傾盆轎不能
行避雨街側衣履如漿久之寓人持雨具來迎始得歸
寓已曛矣

七月初一日晴妹夫沈配笙來

初二日晴配笙遣人饋魚及點乃烹魚沽酒邀同寓客共一醉飽云

初三日早起走東城棗樹下訪配笙回途遇雨旋霽人定後配笙來譚至夜深而去

初四日晴晚陳君蕙堂來配笙設席相邀更餘回

初五日晴午後配笙又遣人來餽茗及點夜又來寓話別至夜深而後去

初六日早離新昌城山溪遇雨過塔山而霽午至嵯城飯於杜家行畢趁市船北下北風極大半日止行三十餘里晚泊仙巖飯畢仍解纜行

初七日四鼓醒問何處舟人云已過王家匯畫圖山釣

天台山行記

廿二

魚臺上下諸勝都在夢中過也遲明至蒿埧午前至百官捨舟登岸飯於谷家行畢趁火車午後至餘姚捨車趁航船日未晡至湯家閘捨船步行至低塘雨作向邨店避雨霽而復行抵平王廟鎮卸裝洗沐畢西日始銜山也

天台山行記終

天台山行後記自序

此行也本為螺溪石筍峯瓊臺桃源諸勝以補前游之闕乃因酷暑兼程傷腳竟乖始願僅於瀑布山西瞪視雙闕而赤城距螺谿十里而近張無望桃源亦非遼絕俱限脚力不能往若陰有扼之者夫勢位富厚人生有命若山水清游似為樵夫牧豎宴人子之分內所應得者乃竟亦若此余此願不知他日能了邪否邪蠡孫誠

天台山行後記卷第三

浙東山水經行記之三

鎮海范鑄壽金甫撰

丙辰六月十九日早起乘高轎出新昌城東門女夫俞子敬步從東南行五十五里過會墅嶺歇太平庵庵方新建東樓傑構三層制度闊壯主僧一見即以布施為言殊不知窮措大之望人布施較僧更切也笑而謝之僧遂偃蹇余擬明日徒行游闕嶺一帶投宿桐柏宮因囑僧雇擔夫僧以無覓處謝顧西日尚未銜山乃西南五里至儒艮茶客潘芝田家雇定擔夫返宿於庵

二十日早同子敬及擔夫出庵門東南三里過橫板橋西又折而南三里過天姥山麓天姥寺望見之又南五

天台山行後記

里過冷水坑嶺乃台姥兩山過脈處又南五里過橫渡橋水出地藏寺後西北流而會於澄潭溪者又南五里闌嶺頭自此下嶺至天台城有降無升矣又南十里至山口少憩於涼亭地為東西兩大山之門戶形勢天成名曰山口不誣也亭中先有三四人箕踞磐石上乘涼俱體貌豐腴白白紅紅意得氣盛詢之皆稅官哨弁等也蓋此處有稅局有哨隊取精用宏吸人脂膏多矣宜其不類山澤之癯者又前行東南十里至白侯殿音啜冷粥二盃暑盛坐久而後起又東行二十里歷後宅張輿諸邨及小山兩重汗浹背顧日已西而右足傷筋復不良於行問擔夫桐柏宮距此幾里答云近矣又東十

天台山行後記卷第三

浙東山水經行記之三

鎮海范鑄壽金甫撰

丙辰六月十九日早起乘高轎出新昌城東門女夫俞子敬步從東南行五十五里過會墅嶺歇太平庵庵方新建東樓傑構三層制度闊壯主僧一見即以布施為言殊不知窮措大之望人布施較僧更切也笑而謝之僧遂偃蹇余擬明日徒行游闕嶺一帶投宿桐柏宮因囑僧雇擔夫僧以無覓處謝顧西日尚未銜山乃西南五里至儒艮茶客潘芝田家雇定擔夫返宿於庵

二十日早同子敬及擔夫出庵門東南三里過橫板橋西又折而南三里過天姥山麓天姥寺望見之又南五

天台山行後記

里過冷水坑嶺乃台姥兩山過脈處又南五里過橫渡橋水出地藏寺後西北流而會於澄潭溪者又南五里闌嶺頭自此下嶺至天台城有降無升矣又南十里至山口少憩於涼亭地為東西兩大山之門戶形勢天成名曰山口不誣也亭中先有三四人箕踞磐石上乘涼俱體貌豐腴白白紅紅意得氣盛詢之皆稅官哨弁等也蓋此處有稅局有哨隊取精用宏吸人脂膏多矣宜其不類山澤之癯者又前行東南十里至白侯殿音啜冷粥二盃暑盛坐久而後起又東行二十里歷後宅張輿諸邨及小山兩重汗浹背顧日已西而右足傷筋復不良於行問擔夫桐柏宮距此幾里答云近矣又東十

里復問之復云無多路又東五里則云桐柏即在眼前
又踴躍五里至桐柏嶺脚天黑矣乃暗中摸索牽引上
陡嶺三里許余憊甚不復能行子敬及擔夫亦俱呻吟
於磴上自念此去桐柏宮尚十里許而深夜露坐荒山
儻有虎狼盜賊不禁慄慄危懼然亦無可如何矣正仿
徨間忽有人上嶺高聲問曰范先生何以在此察之蓋
即余去年游黑龍山鳴鶴觀時所相識之道士也乃令
道士先上山頂以炬來迎及抵觀而後喜可知矣

二十一日將息觀中乃引道士問以余昨自西來將近
桐柏嶺脚當大瀑布之西有雙巖高聳紫翠干霄者何
山也答云不知余心知是雙闕復問雙巖內得無是瓊

天台山行後記

二

臺山乎復答不知既而云雙巖內有山山有石窟曰仙
人座可以望月余於是知為瓊臺雙闕確然無疑矣向
晚倩人左右扶至瀑布山顛擬看大瀑而嵌崖突巖俯
視無所見惟窅窅冥冥心目悸眩而返

二十二日早起足仍不良乃輟行二十里至赤城下巖
訪陳居士深山留午飯而回既抵黑龍頂則四山雷雨
煙雲萬疊砰磅砢礚電火觸目俯視下方沈沈深黑精
靈神怪恍惚若接吁真破膽駭絕之區也夜中與子敬
議赤日長征本為游山今日坐松下乘涼不若賦歸去
來矣乃決計舍之行

二十三日早起輟行至闕嶺頭卸輟徒行當下桐柏嶺

西至雙闕下時下轎立眺移時而後前進又從闕嶺頭
北行三十里跋鼈而杖勉強至儒學潘芝田家宿焉夜
大雷雨

二十四日早起乘眠轎即古籃輦踰儒學邨後嶺北厯相見
嶺城巖搗臼嶺石溪諸處共五十里而入新昌城之南
門蓋新台之間會墅嶺為東路今所歷者為中路而澄
潭等處則為西路也

天台山行後記終

天台山行後記